

尺〇尺一許觀者奇怪謂之人魂

〔扶桑略記二十四〕醍醐延長八年七月十五日酉刻流星差良方渡俗云人魂也

〔日本紀略五〕冷泉康保四年九月九日甲午亥時流星如月自良亘坤衆星西亂終夜流散 十三日戊戌

詔天下大赦常赦所不免者赦除依流星之變異也

〔扶桑略記二十七〕長保四年七月五日有大流星

〔日本紀略十〕長保四年九月六日戊戌今夜日月薄蝕終夜流星 七日己亥今夜自子時至寅流星

〔日本紀略十一〕寬弘四年六月四日戊戌今夜有流星北行連夜有此變 十六日庚戌詔大赦天下大

辟以下常赦所不赦者赦除又老人給穀依流星之變也 廿一日乙卯奉幣廿一社依流星之變也

七月十四日戊寅臨時仁王會天皇出御南殿被消流星之變也參入僧綱各給勅祿

〔日本紀略十四〕長元八年九月十一日辛卯夜流星見 廿日庚子詔大赦天下大辟以下非常赦所

不免者咸赦除依天變也又老人僧尼給穀又賑給 廿三日癸卯奉幣廿一社依天變也 廿六日丙

午仁王會依流星也

〔行親記〕長曆元年九月四日去夜有流星天變 七日有陣定太宰府推問使事可被問帥流星事流星

事可令諸道勘申由有仰事云々 十六日今日依流星有恩赦內記不候左少辨書詔云々免物不被

仰使後日成勘文可免者但先例恩赦之時或被仰云々 十月廿二日依流星變於八省被行仁王會

於所々院有行幸其儀如常

〔本朝世紀〕久安六年七月十二日丙戌戌刻有大流星大如甕出自織女入天市垣

仁平二年九月一日壬辰酉刻北方有大流星

〔百練抄八〕治承四年七月十九日有大流星其光如炬火 十月七日亥刻有流星變出紀伊國山方

入福原東北山大如大土器渡北斗中舍輝二許丈入山之後其光不消及一町本朝無此變若可謂天